

Komisioni për Mbrojtjen e Konkurrencës në bazë të nenit 28 dhe nenit 19 paragrafi (1) pika 2) të Ligjit për mbrojtjen e konkurrencës ("Gazeta zyrtare e Republikës së Maqedonisë" nr. 145/10, 136/11, 41/2014, 53/16 dhe 83/18), dhe duke vepruar sipas njoftimit të përqendrimit të dorëzuar nga shoqëria ALFI RE, menaxhim i fondeve alternative të investimeve, d.o.o me seli në adresën rruga Verovshkova 55A, 1000 Ljubljana, Slloveni, e dorëzuar përmes të autorizuarit avokatit Bozhidar Millosheviq nga Shkupi, në seancën e mbajtur më 26.10.2022, solli

AKTVENDIM

1. Vërtetohet se përqendrimi me të cilin ALFI RE, menaxhim i fondeve alternative të investimeve, d.o.o me seli në adresën rruga Verovshkova 55A, 1000 Lubjanë, Slloveni, do të fitoj kontroll të pavarur mbi DCO, shoqëria për zhvillimin e projekteve d.o.o. me seli të regjistruar në Letalishka cesta 33, 1000 Lubjanë, Slloveni, nëpërmjet shitblerjes së pjesëve, edhe pse është në kuadër të dispozitave të Ligjit për mbrojtjen e konkurrencës, nuk do të ketë për pasojë parandalimin, kufizimin ose çrregullimin e konsiderueshëm të konkurrencës efektive të tregut ose pjesës së tij thelbësore, sidomos si rezultat i formimit apo forcimit të pozitës dominuese të pjesëmarrësve dhe si i tillë është në përputhje me dispozitat e Ligjit të mbrojtjes së konkurrencës në kuptim të nenit 19 paragrafi (1) pika 2) të Ligjit për mbrojtjen e konkurrencës.

2. Parashtruesi i njoftimit të përqendrimit obligohet të paguajë taksë administrative për njoftimin e përqendrimit në shumë prej 6.000,00 denarë. dhe për aktvendimin në shumën prej 30.000,00 denarë, sipas numrit tarifar 34 të Ligjit për taksë administrative (Gazeta zyrtare e Republikës së Maqedonisë nr. 17/93, 20/96, 7/98, 13/01, 24/03, 19/04, 61/04 dhe 95/05, 7/06, 70/06, 92/07, 88/08, 130/08, 6/10, 145/10. 17/11) në llogarinë e Buxhetit të Republikës së Maqedonisë së Veriut nr. 10000000063095, llogarinë e pagesës 840.....03161, shifrën e të ardhurave dhe programin 72231300.

3. Padia për ngritjen e kontestit administrativ nuk e prolongon përmbardimin e aktvendimit.

Arsyetim

Në përputhje me nenit 15 të Ligjit për mbrojtjen e konkurrencës (në tekstin e mëtejshëm: Komisioni), më datën 21.09.2022, dhe e plotësuar më datë 26.09.2022 dhe 03.10.2022, në Komisionin për Mbrojtjen e Konkurrencës (në vijim: Komisioni), është dorëzuar njoftim i përqendrimit nga ALFI RE, menaxhim i fondeve alternative të investimeve, d.o.o me seli në adresën rruga Verovshkova 55A, 1000 Lubjanë, Slloveni, me të cilën ALFI RE, menaxhim i fondeve alternative të investimeve, d.o.o do të fitoj kontroll të pavarur mbi DCO, shoqëria për zhvillimin e projekteve d.o.o. me seli të regjistruar në Letalishka cesta 33, 1000 Lubjanë, Slloveni, nëpërmjet shitblerjes së pjesëve.

Komisioni filloi me shqyrtimin e Njoftimit në ditën e pranimit të tij dhe në bazë të të dhënave të dorëzuara në Njoftimin e Përqendrimit, shtesave dhe bashkëngjitjeve në të, përcaktoi si më poshtë:

Aktivitetet themelore të biznesit të ndërmarrjeve të përfshira:

- **ALFI RE, menaxhim i fondeve alternative të investimeve , d.o.o.** është menaxher i fondeve alternative të investimeve , i regjistruar në Agjencinë e Tregut të Letrave me Vlerë të Sllovenisë. ALFI RE, menaxhimi i fondeve alternative të investimeve , d.o.o analizon investimet (potenciale) dhe administron fondet e investimeve, ndërsa vetë menaxhimi i investimeve transferohet pjesërisht tek shoqëri të tjera. ALFI RE, menaxhim i fondeve alternative të investimeve administron Alfi RE, SIS, i cili u krijua me emrin ALFI RE, Fondi Special i Investimeve me seli të regjistruar në rrugën Verovshkova 55A, 1000 Lubjanë, Slloveni.

Grupi Alfi ka shoqëri të regjistruara në Maqedoninë e veriut:

- PRO KOLEKT SHPKNJP Shkup, me seli në rr. Hristo Tatarçev 121-G Kisela Vodë, Shkup, një shoqëri aktive me pagesën e borxheve jashtë gjykatës, aktivitetet kryesore të PRO KOLEKT SHPKNJP Shkup janë pagesa dhe blerja e kërkesave dhe
- APOLLO MK SHPKNJP Shkup, me seli në Bulevardin Kiro Gligorov nr. 13, Gazi Babë, Shkup, e cila është aktive në shitjen me shumicë të lodrave, pajisjeve cilësore për fëmijë, aksesorëve për fëmijë dhe produkteve tekstile për fëmijë.

-**DCO, shoqëria për zhvillimin e projekteve d.o.o.**, është pronar i patundshmërisë e cila gjendet në adresën Dunajska cesta 155-157, 1000 Lubjanë, Slloveni, e cila është një parcelë ndërtimi në Lubjanë, Slloveni ku është duke u ndërtuar një ndërtesë afariste e përbërë nga një kati përdhes, dy (2) kate nëntokë dhe shtatë (7) kate mbi tokë. Kjo pronë do të përdoret kryesisht për përdorim zyre dhe komercial.

DCO, shoqëria për zhvillimin e projekteve d.o.o nuk është e pranishme dhe as nuk gjeneron aspak të ardhura në Maqedoninë e Veriut.

Komisioni konstatoi se përqendrimi i parashtruar bie nën dispozitat e Ligjit për Mbrojtjen e Konkurrencës, sepse i plotëson kushtet e nenit 12 paragrafi (1) pika 2) dhe nenit 14 paragrafi (1) pika 1 dhe pika 2)) të Ligjit për Mbrojtje të Konkurrencës.

Komisioni, duke marrë parasysh kriteret e nenit 17 paragrafi (2), paragrafi (3) dhe paragrafi (4) të Ligjit për mbrojtjen e konkurrencës dhe pikën 6 (b) të *Udhëzimeve për përcaktimin e rasteve në të cilat gjatë vlerësimit të përqendrimeve, Komisioni për Mbrojtjen e Konkurrencës zakonisht përcakton se të njëjtat janë në përputhje me Ligjin për mbrojtjen e konkurrencës*, vlerëson se përqendrimi i parashtruar, edhe pse bie nën dispozitat e Ligjit, është në përputhje me të, sepse nuk do ketë në masë të konsiderueshme pengimin, kufizimin ose prishjen e konkurrencës efektive të tregut ose të pjesës qenësore të tij , veçanërisht si rezultat i krijimit ose forcimit të pozitës dominuese të pjesëmarrësve

Duke pasur parasysh këtë vlerësim të përqendrimit, Komisioni vendosi si në dispozitiv të këtij Aktvendimi, në përputhje me nenin 19 paragrafi (1) pika 2) të Ligjit për mbrojtjen e konkurrencës.

Sipas Nenit 53 paragrafi (2) të Ligjit për mbrojtjen e konkurrencës padia nuk e prolongon zbatimin e aktvendimit.

Udhëzim për mjetin juridik

Kundër këtij aktvendimi mund të parashtrahet padi për inicim të kontestit administrativ në Gjykatën Administrative të Republikës së Maqedonisë në afat prej 30 ditësh nga dita e dorëzimit të tij.

KRYETAR
I KOMISIONIT PËR MBROJTJEN E KONKURENCËS
Prof. Dr. Владимир Наумовски